

Tjuovgga sjievnnejis ájgen

Rámádin li moadda subtsasa tjuovga ja sjievnnejda birra.

Ja gudi val buorebut dádjadi kontrástaj tjuovga ja sjievnnejada gaskan gá jur mij gudi nav guhkás nuortas árrup. Miján gænna l gasskaidjabiejvve ja «Nordlánda giese ihkeva biejevve» ja sjievnnejis ájgen li aitu miján tjábbámus tjuovggafenomiena dagu guovsagis ja bájnós dálvvetjuovgga. Duodden Jesus midjij subtsas: «Dij lihpit værállda tjuovgga!

Ja de ginntalij tshakkidip gá sjievnjut ja biedjap bajás váj bájtta juohkkahattjaj goaden. Tjabu muorajda, vinndegijda ja dæhkkorabddaj tjuovgajt tshakkidip váj sij gudi álggon li váttstajimen, vuojni. Tjuovgga l mijá dálkas sjievnnejda vuosstij. Jus la állu sjievnnejat guhkev de la dat midjij lássát ja gássjel.

Gá Maria ja Josef vádtsájga guhkás Bethlehem vuosstij de lijga dávk gárvvása hæhttujga moadda mijla sjievnnejadin vádtset. Ihkap dádjadijga sán guottij tjuovgav mij galgaj værálldav ietjájduhttet. Ihkap aj ájvutijjga vehi tjuovgav gæjno milta váj eija dárbaha sjievnnejadin vádtset.

Ienemusá divna iellijs ednamin dárbahi tjuovgav. Danen álu ájádallap tjuovgga iellemav ja doajvov buktá, madi sjievnnejat tjanáduvvá jábmemij ja dárvodisvuohtaj. Mijá væráldin gánná li rijdo, niejddem ja vierredago de ihkap dábbdu dagu sjievnnejat la vuojto bielen. Valla jur dán sjievnnejis ájge dárbahip tjuovgav.

De la hávsske láhkát Johannes evangeliummav gánná javllasáhka l tjuovga birra:

«Tjuovgga bájtta sjievnnejedin ja sjievnnejat ij le dav oajttám» (Joh. 1,5)

«Sádnnes tjuovgga mij gájkajt almatijit tjuovgudahtta lij væráldij boahtemin» (Joh. 1,9)

Nuorttavuonak Trygve Hoff javllá juojddá mij la dan muoduk manemus versan lávllagin «Et lys i mørketida»:

«Dagen e' borte og natta e' stor,
men i mørketidslajne' skal høres et ord,
om sol som skal snu så det bær' mot dag,
om folk som skal samles til helg og til lag.
På veien mot Betlehem bær' ho Maria
et lys, et lys
et lys imot mørketida»

Sávav tjuovgav ja doajvov sjievnnejis ájggáj, ja buorissjivvnnejeduvvam javlajt!

Svein Valle, Oarjie-Hålogalátte biskoahppa